



Na osnovu čl. 64. stav (1) i 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 10. Pravilnika o javnim nabavkama Visokog sudskog i tužilačkog vijeća Bosne i Hercegovine broj 08-02-2-1826-1/2019 od 14.05.2019. godine, na preporuku Komisije za javne nabavke od 23.10.2024. godine, direktor Sekretarijata Visokog sudskog i tužilačkog vijeća Bosne i Hercegovine, donosi

ODLUKU **o izboru najpovoljnijeg ponuđača**

Član 1.

(Predmet odluke)

Ugovor o nabavci roba, LOT 1 - Stolice za potrebe Visokog sudskog i tužilačkog vijeća Bosne i Hercegovine, dodjeljuje se ponuđaču **R&S d.o.o. Sarajevo**, za ponudenu ukupnu vrijednost ponude od **5.932,50 KM** bez PDV-a.

Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom Konkurentskom zahtjevu za dostavu ponuda broj 05-16-4-3588-2/2024 od 04.10.2024. godine

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i Konkurentskom zahtjevu za dostavu ponuda.

Član 3.

(Obaveze ponuđača)

Ukoliko izabrani ponuđač nije dostavio dokaze o ispunjavanju kvalifikacijskih uslova prije prijema ove odluke, isti ih je dužan dostaviti na način i u roku navedenim u Konkurentskom zahtjevu za dostavu ponuda.

O b r a z l o ž e n j e

Postupak javne nabavke proveden je putem Konkurentskog zahtjeva za dostavu ponuda. Obavještenje o nabavci objavljeno je u sistemu „E-nabavke“, broj obavještenja: 172-7-1-209-3-73/24 objavljeno dana 04.10.2024. godine. Primljene su ponude ponuđača Sedžan Inžinjeri d.o.o. Sarajevo, R&S d.o.o. Sarajevo, Larix d.o.o. i GRADIZ d.o.o. Sarajevo.

Komisija za nabavke imenovana Rješenjem o imenovanju br. 05-16-4-4346-1/23 od 26.12.2023. godine i 05-16-4-419-2/24 od 16.09.2024. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-3588-26/24 od 23.10.2024. godine je u prilogu ove Odluke) i utvrdila sljedeće:

Kako bi ispunio uslove iz tačke 3.3.2. b) Konkurentskog zahtjeva za dostavu ponuda broj 05-16-4-3588-2/24 od 04.10.2024. godine (u daljem tekstu: Konkurentski zahtjev) ponuđač LARIX d.o.o. je dostavio Potvrdu o dobrom izvršenju ugovora o isporuci robe, broj A-5-7-7/23 od 22.05.2024. godine, koja je izdata od strane Okružnog javnog tužilaštva u Bijeljini (u daljem tekstu: Potvrda).

U dostavljenoj Potvrdi izdavalac potvrde navodi da je između njega i Larix d.o.o. zaključen Ugovor o nabavci kancelarijskog namještaja sa montažom broj A-5-7-6823 od 16.10.2024. godine, ukupne vrijednosti 243.895,85 KM bez PDV-a. U daljem sadržaju Potvrde navodi se da je ugovor u potpunosti izvršen od strane Larix d.o.o., u njegovom cjelokupnom iznosu od 243.895,85 KM bez PDV-a.

Analizom sadržaja Potvrde, Komisija za nabavke je uočila jednu nelogičnost. Naime, datum izdavanja Potvrde (22.05.2024. godine) je stariji od datuma stupanja ugovora na snagu (16.10.2024. godine).

S pretpostavkom da je riječ od tipografskoj grešci, te da je datum stupanja ugovora na snagu 16.10.2023. godine, Komisija za nabavke je izvršila uvid u javno dostupne podatke u sistemu "E-nabavke".

Izvršen je uvid u profil Okružnog javnog tužilaštva u Bijeljini, sekcija Osnovni elementi ugovora. U navedenoj sekciji je pronađen ugovor za koji je izdata Potvrda. U sistemu "E-nabavke" kao početak trajanja ugovora je naveden 16.10.2023. godine sa rokom izvršenja od tri mjeseca, tačnije do 16.01.2024. godine.

U skladu sa prethodno navedenim, Komisija za nabavke je stekla razumno uvjerenje da je dostavljena Potvrda validna i da je ugovor izvršen u ugovorenom periodu, te da je Larix d.o.o. dostavio dokaz kojim ispunjava zahtijevano iz tačke 3.3.2. b) Konkurentskog zahtjeva za dostavu ponuda. Komisija za nabavke je stava da navedena tipografska greška u Potvrdi ne utiče na prihvatljivost Ponude u tom dijelu.

Ponude ponuđača Sedžan Inžinjeri d.o.o. Sarajevo, Larix d.o.o. i GRADIZ d.o.o. Sarajevo se odbacuju, jer ponuđači nisu ispunili zahtjeve iz Konkurentskog zahtjeva, a u skladu sa članom 68. stav (4) tačka i) Zakona o javnim nabavkama.

U skladu sa Tehničkom specifikacijom za LOT 1 – Stolice (u daljem tekstu: TS Stolice), koja je sastavni dio Konkurentskog zahtjeva, između ostalog, po pitanju tehničkih karakteristika zahtijevano je:

- petokraka baza \varnothing 710 mm od čelika sa krom efektom;
- točkići za mekane podove;
- sinkronizirani nagib naslona i sjedala, ugao nagiba naslona od 20° sinkroniziran s kutom giba sjedišta od 11°;
- lumbalna podrška.

Sedžan Inžinjeri d.o.o. Sarajevo je na stranici 51. svoje Ponude, broj AK/24-10-11 od 11.10.2024. godine (u daljem tekstu: Ponuda Sedžan) dostavio Tehničku ponudu za LOT 1 – Stolice sa specifikacijom ponuđenog modela Logica, proizvođača MSTYLE Italija. U Tehničkoj ponudi, u dijelu opis i specifikacija ponuđene robe, navedeno je da se detaljan opis ponuđenog modela nalazi u tehničkom listu, u prilogu Ponude Sedžan.

Na stranici 53. Ponude Sedžan dostavljen je Tehnički list u kojem je navedeno sljedeće:

- petokraka baza, piramidalnog oblika, kromirana, prečnika 700 mm (TR014);
- tvrdi točkići promjera 50 mm (TR014).

U Tehničkom listu nije naveden ugao nagiba i kut nagiba sjedišta.

Ponuda Sedžan je neprihvatljiva jer nije u skladu sa TS Stolice iz sljedećih razloga:

- uslovima TS Stolice od ponuđača je zahtjevana petokraka baza \varnothing 710 mm od čelika sa krom efektom, a ponuđač je u Tehničkom listu naveo da nudi petokraku bazu, prečnika 700 mm;
- u Tehničkom listu nije navedeno da su točkići za mekane podove;
- u Tehničkom listu nije naveden ugao nagiba naslona, niti da li je isti sinkroniziran sa kutom giba sjedišta.

Larix d.o.o. je na stranici 31. svoje Ponude, broj 131/24 od 10.10.2024. godine (u daljem tekstu: Ponuda Larix) dostavio Tehničku ponudu za LOT 1 – Stolice sa specifikacijom ponuđenog modela 802-1, proizvođača Bazhou Angus Trading Co. u kojoj je navedeno da ponuđena stolica ima petokraku bazu \varnothing 710 mm od poliuretana.

Na stranici 33. Ponude Larix, dostavljena je i fotografija ponuđenog modela na kojoj je vidljivo da ponuđeni model ima petokraku bazu crne boje.

Međutim, Ponuda Larix je neprihvatljiva jer nije u skladu s TS Stolice za petokraku bazu, TS Stolice je zahtijevano da ista bude od čelika sa krom efektom, dok je Larix d.o.o. u Tehničkoj ponudi naveo da ponuđeni model ima bazu od poliuretana. Također, na fotografiji ponuđenog modela je vidljivo da je baza crne boje, a ne krom efekta.

GRADIZ d.o.o. Sarajevo je na stranici 37. svoje Ponude, broj 905/24 od 14.10.2024. godine (u daljem tekstu: Ponuda GRADIZ) dostavio Tehničku ponudu za LOT 1 – Stolice sa specifikacijom ponuđenog modela Meta, proizvođača Casella. U Tehničkoj ponudi, u dijelu opisa i specifikacija ponuđene robe, je navedeno sljedeće:

- metalna kromirana baza.

U Tehničkoj ponudi nije navedeno, a zahtjevano je TS Stolice:

- ugao nagiba i kut nagiba sjedišta;
- dimenzije baze;
- lumbalna podrška.

Ponuda GRADIZ je neprihvatljiva jer nije u skladu sa TS Stolice iz navedenih razloga.

Uzimajući u obzir prethodno navedeno, Komisija za nabavke ocjenjuje da su ponude ponuđača Sedžan Inžinjeri d.o.o. Sarajevo, Larix d.o.o. i GRADIZ d.o.o. Sarajevo neprihvatljive, budući da ponuđeni modeli, ne zadovoljavaju minimalne zahtjeve tražene Konkurentskim zahtjevom, odnosno TS Stolice.

Ponuda ponuđača R&S d.o.o. Sarajevo je ocijenjena kao prihvatljiva, budući da je u skladu sa uslovima iz Konkurentskog zahtjeva i u okviru budžeta planiranog za predmetnu nabavku.

Ugovorni organ je otvorenim postupkom predvidio primjenu e-aukcije u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23).

Obzirom da je primljena samo jedna prihvatljiva ponuda nije bilo moguće provesti e-aukciju, a u skladu sa članom 4. stav (2) navedenog pravilnika.

Komisija je uputila preporuku direktoru Sekretarijata Visokog sudskog i tužilačkog vijeća Bosne i Hercegovine za izbor najpovoljnijeg ponuđača **R&S d.o.o. Sarajevo**.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Broj: 05-16-4-3588-30/24

Datum: 24 . 10 .2024. godine

Dostavljeno:

- Ponuđačima,
- Odjelu za finansije i računovodstvo,
- a/a.



Direktor Sekretarijata

Admir Suljagić